

中國易學文獻集成續編

本書編委會◎編

50

全七十冊

國家圖書館出版社

中國易學文獻集成續編

本書編委會◎編



國家圖書館出版社

（清）惠棟撰

周易古義一卷

清道光間刻《昭代叢書》本

第五十冊目錄

周易古義一卷	(清)惠棟撰	清道光間刻《昭代叢書》本	一
易例二卷	(清)惠棟撰	清光緒間刻《皇清經解續編》本	四
卷一		七三	
卷二		一二五	
讀易別錄三卷	(清)全祖望撰	清刻《知不足齋叢書》本	一六
卷上		一九九	
卷中		二四一	
卷下		二四七	

彖傳論二卷象象論三卷繫辭傳論六卷八卦觀象解二卷附卦氣解一卷（彖傳論卷上一下

彖象論卷一——三）（清）莊存與撰 清光緒間刻《味經齋遺書》本

彖傳論二卷 二五九

卷上 二六一

卷下 二九一

象象論三卷 三九一

卷一 三九三

卷二 四五三

卷三 五〇五

卷三十一期目錄

昭代叢書甲集補卷一

吳江 沈楸惠 翠嶺 輯

周易古義

元和惠棟松崖著

說文曰秘書說日月爲易象陰陽也虞仲翔易注引

參同契亦云字从日下月

參同契曰易謂坎離又曰日月爲易所謂秘書

者參同之類也

坤初六象履霜堅冰陰始凝也案文冰當作久凝當

作冰介正釋器云冰脂也郭璞曰莊子云肌膚若

冰雪冰雪脂膏也孫炎本作凝脂云膏凝曰脂詩云膚如凝脂卽冰脂也古文尙書亦以冰爲凝說文云凝俗冰字

六二直方大鄭注云直也方也地之性此爻得中氣而在地上升然之性廣生萬物故生動直而且方熊氏經說云鄭氏古易云坤爻辭履霜直方含章括囊黃裳元黃協韻故象傳文言皆不釋大疑大字衍

坤至柔而動也剛九家易曰坤一變而成震陰動生

陽故動也剛宋時臨安僧曇瑩云動者謂爻之變也坤不動則已動則陽剛見焉在初爲復在二爲師在三爲謙自是以往皆剛也洪景盧以其言爲善而不知漢易已有是說矣

屯初九磐桓利居貞仲秋下旬碑作股桓釋文云本亦作盤案古盤字皆作般與股同尙書盤庚蔡邕

石經作般此與漸六二磐字皆當作般郊祀志云鴻漸于般

孟康曰般水涯堆也

上六泣血漣如棟案漣本波瀾之字說文引作漣或

古从立心篆書水心相近故誤爲漣陸德明亦引說文而不云字異明不从水旁淮南子引此經又

作漣从省文

毛詩泣涕漣漣亦當从心漣聲

蒙豕曰匪我求童蒙童蒙求我高誘引云童蒙來求我釋文云一本有來字

初六以往吝說文引作遴云行難也棟案史書遴本

吝字

見汗簡

此易經古文漢書魯安王晚節遴王莽

傳性實遴音廣雅曰遴遯也音良鎮反小顏云遴讀與吝同周伯琦六書正譌云憐行難从人彡聲

又謹選也別作遴非是與說文漢書異

需象曰君子以飲食宴樂棟案歸藏易需卦之需作

溲

說文犬部云獮从犬需聲讀若樛奴豆切是需有樛音

禮記儒行曰飲食

不溲鄭氏注云恣滋味爲溲溲之言欲也故象言

飲食宴樂左傳昭十五年傳云辱必求之吾助子

請

說苑敬慎篇云諺曰誠無垢思無辱辱與垢協是讀爲溲

服虔曰辱欲也古

文易不可攷然溲字不爲無說

鄭氏注易云需讀爲秀

九二需于沙鄭本沙作沚棟案沚當作汙與沙同說

文云沙水散石也从水从少水少沙見譚長說沙

或作從从止穆天子傳云天子東征南絕沙衍辛

丑天子渴于沙衍求飲未至

郭璞云沙衍水中有沙者

水少沙

見故象云需於沙衍或以衍屬下句讀非也

訟上九終朝三褫之說文云褫奪衣也讀若池鄭康

成本作三拖之音徒可反棟案淮南人間訓云秦

牛缺遇盜拖其衣被高誘曰拖奪也是拖與褫字

異而義同晁以道讀爲拖紳之拖楊慎以爲終朝

三拖之以誇於人真小兒強解事也

拖紳之拖本作拖見說文

師貞丈人吉康成注云丈之言長能御衆有正人之

德以法度爲人之長吉而无咎王弼曰丈人嚴莊之稱也棟案彖辭言能以衆正可以王矣此有天下之稱也謂之丈人可乎易緯乾鑿度孔子曰易有君人五號也帝者天稱也王者美行也天子者爵號也大君者與上行異也大人者聖明德備也變文以著名題德以別操歷舉五號獨不及丈人知丈人非王者之稱也崔憬曰子夏傳作大人謂王者之師斯得之矣

比彖曰比輔也案鄭氏尙書云邶成五服至於五千

說文同作邶
云輔信也

注云敷土既畢廣輔五服之地而成

之面方各五千里四面相距爲方萬里禹所受地
記書曰崑崙山東南地方五千里名曰神州禹邶
五服之殘數亦每服者各五百里故有萬里之界
萬國之封比輔也輔成五服此建萬國之象比比
也有孚盈缶此親諸侯之象所謂先王者其夏后
氏乎

九五王用三驅鄭本作毆案說文驅馬馳也古文作
毆从攴漢書皆以毆爲驅康成傳費氏易費直本

皆古字號古文易當从之是正

小畜九五有孚攣如依字當作攣古戀字子夏傳作
戀案隸釋漢唐公昉碑及景君碑皆以攣爲戀知
古文戀字作攣也

履九二幽人貞吉虞翻曰訟時二在坎獄中故稱幽
人象曰幽人貞吉中不自亂也虞云雖幽訟獄中
終辨得正故不自亂荀卿子曰公侯失禮則幽注
云如晉文執衛成公寘諸深室禮說云今學者輒
目高士爲幽人非也

九四愬愬終吉說文引作號號馬季長本同呂覽引
作愬愬高誘曰愬讀如號

上九視履考祥丙子學易編云考詳古本或作考詳
晁氏曰荀作詳審也文意尤順棟謂古祥字皆作
詳石經尚書及左傳公芋猶然

泰九二包荒說文引作荒从川亾云水廣也釋文云
本亦作荒音同鄭氏云荒讀爲康虛也穀梁傳云
四穀不升謂之康康是虛荒之名

其義
同也

六五帝乙歸妹虞翻以帝乙爲紂父荀爽以帝乙爲

湯見本傳易乾鑿度孔子曰自成湯至帝乙帝乙湯

之元孫之孫也此帝乙卽湯也殷錄質以生日爲名順天性也元孫之孫外絕恩矣同以乙日生疏可同名湯以乙生嫁妹本天地正夫婦夫婦正則王教興矣故易之帝乙爲成湯書之帝乙六世王同名不害以明功

同人九五同人先號咷而後笑毛居正六經正誤云後笑作笑誤案笑字古作笑从八象眉目悅兒後轉作竹轉作夭夭笑之兒夭本有點省文作夭俗

訛作笑東坡謂以竹擊犬有何可笑者戲言以譏
王荊公字說之穿鑿耳棟案笑字古文皆作笑說
文無笑字李陽冰刊定說文始从竹从夭義云竹
得風其體夭屈如人之笑故毛氏據以爲說非也
古本漢書薛宣傳云壺矢相樂應劭曰以壺矢相
樂也今本云壹矣相樂晉灼曰書篆形壹矣字象
壺矢因曰壺矢然則矣爲古笑字審矣李陽冰多
臆說吾所不取

謙亨君子有終子夏傳作噤案漢書菽文志曰易之